

Parada mahestuoso di mucha na San Nicolas ayera



ORANJESTAD(AAN): Dos ora y mey na varios lugar y na otro lugar poco mas largo, tabata duracion di e parada di mucha cu San Nicolas a goza di dje ayera, y cu tabata un verdadero parada di luho, mirando e

luho cu e gruponan di carnaval di mucha a presenta cune e aña aki. Tabata tin un total di 13 grupo cu a participa cu alrededor di 1000 mucha en total, cual cifranan DIARIO lo presenta mas corecto

mañan, segun e datonan ricibi di lidernan di grupo. E dos gruponan mas grandi den e parada a resulta **Dream Kids** y **"Kids of Fame"** cu e preciosidad cu publico tin custumber di mira di nan gruponan di

mucha y di nan roadpiece-nan.

Gruponan mas grandi despues di e dosnan aki tabata **Jacintha Kleuterschool**, **School Sagrado Corazon**, **Grupo Nos Fantasia**, y grupo nos **Futuro** y entre 30 y 70 participante a presenta e gruponan **Jolly Kids**, **Youth Champagne**, **Grupo Jugos del Valle**, **Cos di Mucha**, **Fantasia di Piro** di **Commandeurs cafe**, y **Hoffie Prikitchi** y e grupo di **Reina Infantil Chanelle Fortin**, **Proud as a Peacock**.

Un grupo a presenta cu 2 persona cu ta **Fantasia di Brasil**.

Cada agrupacion a goza di un banda musical, steelband o soundsystem ayera, di manera cu musica sigur no tabata falta durante e parada aki.

Loke a resalta den comentarionan despues di e parada ta e tranquilidad cu tabata tin durante henter e parada, di parti di publico cu tabata masha disciplina y cual acti-

tud tin e imagen di carnaval na San Nicolas carga tambe pa tur su actividadnan riba caya.

Awe ta spera di ricibi di SAC e lista di ganadornan di e parada aki, den categorianan di gruponan, carosanan, roadpiecenan den categorianan, grupo mas anima, mas grandi, creatividad y premionan special.

No por keda sin menciona **Steelband North Stars** cu a presenta ayera cu nan bari-nan completamente nobo importa. Mester remarca aki so cu e dak riba e tocadornan ta wanta hopi di e sonido cu no ta haya oportunidad di plama libremente pa e carnavallistanan. Unda cu e steelband a pasa tambe, e publico a aplaudi. Bunita tabata pa mira tambe cu e steelband a resulta awor den steelband mixto di tantotocadornan masculino como femenin.

TELEFONNAN DI DIARIO
826747- FAX 828551